



Broj: UP09-07-1-330/17  
Sarajevo, 18.06.2018. godine

Ministarstvo pravde Bosne i Hercegovine, rješavajući Zahtjev Udruženja kardiologa u Bosni i Hercegovini, sa sjedištem u Sarajevu, ulica Behdžeta Mutevelića broj 33, u predmetu upis promjena u Registru udruženja, na osnovu člana 139. stav (2) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», br. 44/10 i 14/12), donosi

### **RJEŠENJE**

1. Nastavlja se postupak u predmetu upisa promjena u Registru udruženja za Udruženje kardiologa u Bosni i Hercegovini, koji je prekinut Zaključkom Ministarstva pravde Bosne i Hercegovine broj: UP09-07-1-330/17 od 13.03.2017. godine, jer je Suda Bosne i Hercegovine u predmetu broj: S1 3 U 024367 17 Fp od 05.06.2018. godine odbio tužbu Udruženja kardiologa u Bosni i Hercegovini.
2. Upisuju se promjene u Registru udruženja Ministarstva pravde Bosne i Hercegovine, kod Udruženja kardiologa u Bosni i Hercegovini, sa sjedištem u Sarajevu, ulica Behdžeta Mutevelića broj 33, upisanog pod registarskim brojem RU-1476, Knjiga I Registra, dana 07.08.2013. godine, kako slijedi:
  - 2.1 Produžava se mandat Zumreti Kušljugić, predsjednici Udruženja za zastupanje Udruženja u prvnom prometu.
  - 2.2 Razrješenje i imenovanje članova Upravnog odbora Udruženja
  - 2.3 Razrješenje i imenovanje predsjednika Skupštine Udruženja
3. Ostali upisi u Registru udruženja kod Udruženja kardiologa u Bosni i Hercegovini, ostaju neizmijenjeni.
4. Ovo Rješenje će se objaviti u „Službenom glasniku BiH“, o trošku podnosioca Zahtjeva i na internet stranici Ministarstva.

### **O b r a z l o ž e n j e**

Udruženje kardiologa u Bosni i Hercegovini, upisan je u Registar udruženja kod Ministarstva pravde Bosne i Hercegovine, pod registarskim brojem RU-1476, Knjiga I Registra od 07.08.2013.. godine.

Udruženje je dana 17.02.2017. godin.podnijelo je Zahtjev za upis promjena u Registru udruženja.

Ministarstvo pravde Bosne i Hercegovine je rješavajući po ranijem Zahtjevu Udruženja kardiologa u Bosni i Hercegovini, donijelo Rješenje broj: UP09-07-1-2126/16 od 31.11.2016. godine, na koje je Udruženje kardiologa u Bosni i Hercegovini podnijelo tužbu Sudu Bosne i Hercegovine. Iz kog razloga je Ministarstvo izvršilo prekid postupka upisa promjena u registru udruženja sve do okončanja tog postupka na Sudu Bosne i Hercegovine.

Ministarstvo pravde Bosne i Hercegovine je dana 07.06.2018. godine zaprimilo Presudu Suda Bosne i Hercegovine broj: S1 3 024367 17 U od 05.06.2018. godine kojom je Tužilac odbijen sa tužbom protiv Rješenja Ministarstva broj: UP09-07-1-2126/16 od 31.11.2016. godine, iz kog razloga je nastavljen postupak za upis promjena u Registru udruženja, koji je prekinut Zaključkom Ministarstva broj: UP09-07-1-330/17 od 13.03.2017. godine.

Nakon Zahtjeva za upis promjena u Registru udruženja ovog Ministarstva i priloženih dokaza: Zapisnika sa izborne sjednice Skupštine Udruženja kardiologa u Bosni i Hercegovini od 28.01.2017. godine; Odluke o razrješenju predsjednika Skupštine Udruženja broj: 01/17 od 28.01.2017. godine; Odluke o imenovanju predsjednika Skupštine Udruženja broj: 02/17 od 28.01.2017. godine; Odluke o razrješenju članova Upravnog odbora Udruženja broj: 03/17 od 28.01.2017. godine; Odluke o imenovanju članova Upravnog odbora Udruženja broj: 04/17 od 28.01.2017. godine, sa ovjerenim fotokopijama ličnih karata imenovanih lica; Odluke o razrješenju predsjednice Udruženja broj: 05/17 od 28.01.2017. godine; Odluke o imenovanju predsjednice Udruženja broj: 06/16 od 28.01.2017. godine; Odluke o razrješenju lica ovlaštenog za zastupanje Udruženja u pravnom prometu broj: 07/17 od 28.01.2017. godine; Odluke o imenovanju lica ovlaštenog za zastupanje Udruženja u pravnom prometu broj: 08/17 od 28.01.2017. godine, sa ovjerenim potpisom i fotokopijom lične karte imenovanog lica i dokaz o uplati administrativne takse, te uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja kod Udruženja kardiologa u Bosni i Hercegovini, te je riješeno kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis promjena u Registru udruženja, u skladu sa članom 33. stav (2) tačka b) navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- Udruženju kardiologa u Bosni i Hercegovini, ulica Behdžeta Mutrevelića broj 33, 1 000 Sarajevo;
- Zbirka isprava;
- JP NIO "Službeni list BiH".